

感谢兄弟情义的诗句

1.
绿蚁新醅酒，红泥小火炉。晚来天欲雪，能饮一杯无？——白居易《问刘十九》
2.
独在异乡为异客，每逢佳节倍思亲。遥知兄弟登高处，遍插茱萸少一人。
。——王维《九月九日忆山东兄弟》
3.
海内存知己，天涯若比邻，无为在歧路，儿女共沾巾。——王勃《送杜少府之任蜀州》
4.
分散骨肉恋，趋驰名利牵。一奔尘埃马，一泛风波船。忽忆分手时，惘默秋风前。别来朝复夕，积日成七年。花落城中地，春深江上天。登楼东南望，鸟灭烟苍然。相去复几许？道里近三千。平地犹难见，况乃隔山川。——白居易《寄江南兄弟》
5.
静夜四无邻，荒居旧业贫。雨中黄叶树，灯下白头人。以我独沈久，愧君相见频。平生自有分，况是蔡家亲。——司空曙《喜外弟卢纶见宿》
6.
山中相送罢，日暮掩柴扉。春草明年绿，王孙归不归？——王维《送别》
7.
十年离乱后，长大一相逢。问姓惊初见，称名忆旧容。别来沧海事，语

罢暮天钟。明日巴陵道，秋山又几重。——李益《喜见外弟又言别》

8.
故人具鸡黍，邀我至田家。绿树村边合，青山郭外斜。开轩面场圃，把酒话桑麻。待到重阳日，还来就菊花。——孟浩然《过故人庄》

9.
四十年来兄弟情，渠渠天理境中行。形如鹤瘦困书癖，志不蝇营守笔耕。庭燎献箴知圣主，台评飞劾到诸生。阿奴抑郁休嫌拙，门户如冰耐拄撑。——刘黻《四十吟三首其一》

10.
青山横北郭，白水绕东城。此地一为别，孤蓬万里征。浮云游子意，落日故人情。挥手自兹去，萧萧班马鸣。——李白《送友人》

11.
杨花落尽子规啼，闻道龙标过五溪。我寄愁心与明月，随风直到夜郎西。——李白《闻王昌龄左迁龙标遥有此寄》

12.
骨肉缘枝叶，结交亦相因。四海皆兄弟，谁为行路人。——佚名《旧题苏武诗》

13.
折花逢驿使，寄与陇头人。江南无所有，聊赠一枝春。——陆凯《赠范晔诗》

14.
还家百战后，访故几人存。兄弟得相见，荣枯何处论。新诗添卷轴，旧业见儿孙。点检平生事，焉能出华门。——钱起《初至京口示诸弟》

15.
千里黄云白日曛，北风吹雁雪纷纷。莫愁前路无知己，天下谁人不识君。——高适《别董大》

16.

戍鼓断人行，秋边一雁声。露从今夜白，月是故乡明。有弟皆分散，无家问死生。寄书长不达，况乃未休兵。——杜甫《月夜忆舍弟》

17.

渭城朝雨浥轻尘，客舍青青柳色新。劝君更尽一杯酒，西出阳关无故人。——王维《送元二使安西》

18.

孟氏好兄弟，养亲唯小园。承颜抵手足，坐客强盘飧。——杜甫《孟氏》

19.

衰门少兄弟，兄弟唯两人。饥寒各流浪，感念伤我神。夏期秋未来，安知无他因。不怨别天长，但愿见尔身。茫茫天地间，万类各有亲。安知汝与我，乖隔同胡秦。何时对形影，愤懑当共陈。——于逖《忆舍弟》

20.

圣主如天万物春，小臣愚暗自亡身。百年未满先偿债，十口无归更累人。是处青山可埋骨，他年夜雨独伤神。与君世世为兄弟，更结来生未了因。——苏轼《狱中寄子由二首其一》

21.

零落残红倍黯然，双垂别泪越江边。一身去国六千里，万死投荒十二年。桂岭瘴来云似墨，洞庭春尽水如天。欲知此后相思梦，长在荆门郢树烟。——柳宗元《别舍弟宗一》

22.

怡怡兄弟情，亶亶仆驭力。岂为谗游观，肝肠孝思激。——葛绍体《送高文父上柏省坟》

23.

李白乘舟将欲行，忽闻岸上踏歌声。桃花潭水深千尺，不及汪伦送我情。——李白《赠汪伦》

本文链接：<https://duanjuziku.com/duanjuzi/85biiktxib.html>